

甲申夜巽方南方坤方乾方如火氣

四月丙戌朔上 詣文德殿於朔祭兼行別祭仍行朝上食

○上 命賞賜 文德殿入番宗親內官參奉及執役賤隸等有

差資級馬匹弓子衣服等物也

丁亥以眉壽為崇憲大夫永川君仁為中義大夫義泉君碩壽

為明善大夫扶安都正侃為明善大夫青源都正此四人文德殿三年內入番宗

親也昨日上親行別祭 盧慎為清洪道觀察使陳寔為吏曹

參議朴大立為兵曹參知洪天民稟性迂疎處身恬靜斯可為刑

曹參議李陽元為承政院都承旨黃琳為左承旨尹斗壽為右承

旨朴好元為左副承旨柳興為右副承旨金繼輝為司諫院大司

諫

戊子夜巽方坤方如火氣流星出天津星入室星下狀如梨尾

長三四尺許色赤

辛卯 上詣 文德殿行夕上食齋宿于崇文堂

壬辰 上詣 文德殿行大祥祭仍行朝上食晝茶禮○上命